



U 8
1834
2



全宋文



古今歷代標題註釋十九史略通考卷一之下

前進士廬陵 曾 先 之 編次

松塢門人番陽竹窰余進宗海通考

春秋戰國

周平王以後為春秋之世其列國與周同姓者曰魯曰衛曰晉曰鄭曰曹曰蔡曰燕曰吳其與周異姓者曰齊曰宋曰陳曰楚曰秦此其大者餘小國若春秋所書杞許勝薛邾莒江黃之屬不可盡述

邾音朱 莒音舉

於十二列國之

中有齊桓公宋襄公晉文公秦穆公楚莊王
五霸事迹若論春秋諸國之終始有未及戰
國而先亡者有既及戰國而後亡者各舉其
緊緊音概周威烈王以後為戰國之世則秦
楚燕齊趙魏韓七大國而已秦楚燕猶為春
秋之舊國田齊趙魏韓則為戰國之新國凡
春秋戰國之國雖係周之諸侯而國異政實
不係於周難於盡載附見周之下方其時各
有先後則觀者詳之

吳姬姓泰伯仲雍之所封也

太伯仲雍周太王之二子遜位奔荆

蠻荆蠻之人義而歸之自號吳至武王克商遂封二子於吳十九世至壽夢

始稱王壽夢四子幼曰季札札賢欲使三子相

繼立以及札札義不可封延陵號曰延陵季子

聘上國過徐徐君愛其寶劍季子心知之使還

徐君已沒遂解劍懸其墓而去使還之使去聲

伯之後曰李管曰叔達曰周章曰熊遂曰柯相曰疆鳩夷曰餘橋曰疑吾曰柯盧曰周繇曰屈羽

曰夷吾曰禽處曰轉曰頗高曰句甲曰夫齊曰壽夢為十九歲也四子諸樊餘祭夷昧季札也

延陵郡名屬江浙今常州是也聘問壽夢後四

伐楚
入郢

夫差
敗越
子越
夫

勾踐
嘗膽

賜子
胥死

君而至闔廬舉伍負謀國事負字子胥楚人伍
奢之子奢誅而奔吳以吳兵入郢負音云郢音影○陳氏殷

曰四君謂諸樊餘祭夷昧僚也闔廬諸樊子也弑僚自立郢楚都今江陵府是也子胥以吳兵入郢蓋為父報仇也吳伐越闔廬傷而死子夫差立子胥

復事之夫差志復讎朝夕卧薪中出入使人呼

曰夫差而忘越人之殺而父邪周敬王二十六

年夫差敗越于夫椒越王勾踐以餘兵棲會稽

山請為臣妻為妾子胥言不可太宰伯嚭受越

賂說夫差赦越夫音扶呼去聲勾音鈞語晉弭反賂音路說音稅○陳氏殷曰

越蠻夷之國奴姓也而汝也夫椒吳地名詳見左傳哀公元年勾踐反國懸膽

於坐句卧即仰膽嘗之曰女忘會稽之恥邪舉

國政屬大夫種而與范蠡治共兵事謀吳女音汝屬

音竹下同種上聲蠡音禮坐卧食所皆置膽蓋示苦也種姓文字子禽范蠡字少伯吳宰

嚭譖子胥恥謀不用怨望夫差乃賜子胥屬鏹

之劍子胥告其家人曰必樹吾墓槨槨可材也

抉吾目懸東門以觀越兵之滅吳乃自剄夫差

取其尸盛以鸛夷投之江吳人憐之立祠江上

命曰胥山鏹音犁槨音賈剄音景盛音成鸛音尸○屬鏹劍名槨木名可為宮室棺

十年生聚十年教訓

擲者也扶挑出也

越十年生聚十年教訓周元

王四年越伐吳吳三戰三北夫差上姑蘇亦請

成於越范蠡不可夫差曰吾無以見子胥為悞

冒乃死

悞音覓冒音帽○生聚生民聚財也北

成謂求和也悞巾也○昌覆也言羞見子胥于地

下故以巾覆面死也○世紀吳自太伯至夫差

越滅吳范蠡去之

王為入長頸鳥喙可與共患難不可與共安樂

子何不去種稱疾不朝或讒種且作亂賜劍死

遺難皆去聲喙咄瑞反又音晝樂音

輕寶珠玉與私從乘舟江湖浮海出齊變姓名

自謂鴟夷子皮父子治產至數十萬

從去聲○私從家屬

也范蠡以夫差殺子胥而盛齊人間其賢以為

相蠡喟然嘆曰居家致千金居官致卿相此布

衣之極也父受尊名不祥乃歸相印盡散其財

懷重寶間行止於陶自謂陶朱公貨累鉅萬

皆去聲喟丘愧反○陳氏殷曰喟歎辭閒猶

潛也陶今定陶縣屬曹州貨財也累積也魯

人猗頓往問術焉蠡曰畜五特乃大畜牛羊於

猗氏十年間貨擬王公故天下言富者稱陶朱

貨累鉅萬

猗頓畜音旭野音字也術者生財之道也將牝也陳氏殷曰猗當作猗姓多畜之則生

育蕃也擬此也

愚按太伯遜國封吳吾無間然矣季子以幼不立克重天倫解劍懸墓不昧心許謂之不賢可乎夫差不用子胥之忠諫反聽伯嚭之讒言釋放仇讎自遺後患悞冒而死不亦宜哉越既滅吳驕暴日甚種猶不去以讒見誅夫惟范蠡見幾而作不俟終日卓乎其不可及矣

蔡仲封蔡

○蔡姬姓蔡仲之所封也周公放蔡叔於郭鄰其

子胡率德改行復封于蔡後世至春秋之末為

楚惠王所滅行復為皆去聲○陳氏殷曰郭鄰地名胡蔡仲之名也率循也言仲

能循祖文王之德改父蔡叔之行也放蔡叔事說見周紀○世紀蔡自叔度至元侯九二十四世

振鐸封曹

○曹姬姓武王弟曹叔振鐸之所封也其後世至

春秋中為宋所滅鐸音托為去聲○世紀曹自

宋子姓商紂庶兄微子啓之所封也武王克殷

微子封宋

父以續殷祀王崩管蔡與祿父作亂周公誅祿父乃封微子於宋以代殷後於周為客而不臣

熒惑
守心

後世至春秋有襄公茲父者欲霸諸侯與楚戰
公子目夷請及其未陣擊之公曰君子不困入
於阨遂為楚所敗世笑以為宋襄之仁○阨厄同
目夷
字子魚襄公庶兄也未
陣未成行陣也阨難也其後有景公者熒惑嘗
以其時守心心宋之分野公憂之司星子韋曰
可移於相公曰相吾之股肱曰可移於民公曰
君者待民曰可移於歲公曰歲飢民困吾誰為
君子韋曰天高聽卑君有君人之言三宜有動
候之果徙一度○分相皆去聲股音古肱古宏反
熒惑火星緯星也心宿經

雠雀
生

伯禽
封魯

星也宋豫州之域心宿直焉司星官名即今歷
欽天監官也移於相言移災於相也動感也歷
數世至康王偃有雀生○星宿直焉司星官名即今歷
欽天監官也移於相言移災於相也動感也占之曰必霸天下偃
喜敗齊楚魏與為敵國偃淫虐天下號之曰桀
宋周赧王時齊湣王與楚魏共伐宋滅之而分
其地與為之與音豫于也慈湖王氏曰雠字韻
書不載戰國策作鷗注音欺疑即鷗鷗也
桀宋言宋暴如桀也○世紀宋
自微子至康王九三十二世
魯姬姓周公子伯禽之所封也周公誨成王王
有過則撻伯禽伯禽就封公戒之曰我文王之
子武王之弟今王之叔父然我一沐三握髮一

齊魯
問政

飯三吐哺起以待士猶恐失天下賢人汝之魯

慎無以國驕入

沐洗頭也食在口曰哺之性也無母通禁止辭也

太公

封於齊五月而報政周公曰何疾也曰吾簡其

君臣禮句從其俗伯禽至魯三年而報政周公

曰何遲也曰變其俗革其禮喪三年而後除之

周公曰後世其北面事齊乎夫政不簡不易民

不能近平易近民民必歸之

喪夫皆平聲易音異○報政猶言述

以治齊曰尊賢而尚功周公曰後世必有篡弒

職也北面者臣事君之禮也近親也言齊政簡易魯政煩難也周公問太公何

之臣太公問周公何以治魯曰尊賢而親親太

公曰後世寢弱矣

寢音浸漸也

按齊以尚功故田和篡立而姜氏不祀魯以

親親故三桓擅權而公室以微微二公之言並

驗可謂有先見之知矣

伯禽十三世而至隱公為春秋之始隱公之弟

曰桓公桓公之子曰莊公莊公有庶弟三人曰

慶父其後為孟孫氏曰叔牙其後為叔孫氏曰

季友其後為季孫氏是為三桓世執國命十三世謂

孔子為中都宰
定公會於夾谷

伯禽而下歷考公熙公幽公魏公厲公獻公真公武公懿公伯御孝公惠公隱公也歷閔

公僖公文公宣公成公襄公至昭公伐季氏三

家共攻之公奔乾侯以卒乾音干乾侯音邑名弟定公立

以孔子為中都宰一年四方皆則之由中都為

司空進為大司寇臨川陳氏曰中都邑名屬東平宰邑長也則法也司空大

司寇並官名相定公會齊侯於夾谷孔子曰有文事

者必有武備請具左右司馬以從既會齊有司

請奏四方之樂於是旗旄劔戟鼓譟而進孔子

趨而進曰吾兩君為好夷狄之樂何為於此齊

齊人歸魯地

景公心忤麾之齊有司請奏宮中之樂優倡侏

儒戲而前孔子趨而進曰匹夫熒惑諸侯者罪

當誅請命有司加法焉首足異處景公懼歸語

其臣曰魯以君子之道輔其君而子獨以夷狄

之道教寡人於是齊人乃歸所侵魯鄆汶陽龜

陰之地以謝魯相從好語皆去聲作音昨麾音揮倡音昌鄆音運臨川陳氏

曰夾谷今名夾山在東海郡具俱也司馬官名

也優倡侏儒優倡效也侏儒短小人也熒惑迷亂

也首足異處謂車裂其身也語告也歸猶還也孔子言於定公將

為齊所侵至是以歸魯也孔子言於定公將

樂歸齊正誅孔
女人卯心子

墮三都以強公室叔孫氏先墮邱季氏墮費孟
氏之臣不肯墮成圍之弗克

三都即郚費成三家之私邑也臣謂處父之徒也克勝也

墮許規及邱音后費音秘○墮毀也

或問成既不墮孔子如何便休朱子曰不久
孔子去魯若使父君自須有箇處置

孔子由大司寇攝行相事七日而誅亂政大夫
少正卯居三月魯大治齊人聞之懼乃歸女樂
於魯季桓子受之不聽政郊又不致膳俎於大
夫孔子遂去魯

相少治皆去聲歸音饋又如字膳音煩○攝兼也少正姓卯名

也祭天曰郊膳祭肉也

孟子曰孔子為魯司寇不用從而祭膳肉不
至不脫冕而行不知者以為為肉也其知者
以為為無禮也乃孔子則欲以微罪行不欲
為苟去君子之所為眾人固不識也又曰孔
子之去魯曰遲遲吾行也去父母國之道也

詳見朱子集註

定公卒子哀公立欲以越伐三桓不克歷悼公
元公至繆公知尊子思而不能

繆音木詳見孟子為章篇

孔子名丘字仲尼

三命滋益恭

歷其公康公至平公嘗欲見孟子而不果共平聲詳

見孟子梁惠王篇歷文公至頃公為楚考烈王所滅魯

自周公至頃公凡三十四世頃音傾為去聲○孔子名

丘字仲尼其先宋人也家語孔子宋微子之後自微仲五傳而至哀公

熙熙生弗父何何生宋父周周生世子勝勝生正考父父生孔父嘉嘉生木金父金父生畢夷畢夷生防叔防叔奔魯遂為魯人生伯夏伯夏生叔梁紇

有正考父者佐宋

三命滋益恭其鼎銘云一命而僂再命而僂三

命而俯循墻而走亦莫余敢侮體於是粥於是

以餬予口父音甫僂音侶體於語反走叶音祖口叶音苦○正論考父字也滋益恭

猶言愈加恭敬也陳氏殷曰初命為士其容僂再命為大夫其容僂三命為卿其容俯三者皆

是低頭而僂甚於僂俯甚於僂所謂滋益恭也或曰一命受職再命受服三命受爵未可知孰是

墻屏也循墻而走避位不受命也侮慢也言雖過恭人亦不慢之也稠曰饘稀曰粥言為饘粥

於此鼎中以餬我口儉之至也孔氏滅於宋其後適魯孔父嘉為宋華

氏所殺至有叔梁紇與顏氏女禱於厄丘山而

生孔子紇下沒反○叔梁字紇為兒嬉戲常陳

俎豆設禮容俎豆祭器也長為季氏史料量平嘗為

司檝吏畜蕃息長上聲檝音隻○史掌文書之官孟子作委吏謂主委積倉庫

之吏也料量平所謂會計當也檝與枘同蓋係養犧牲之所也司檝吏孟子作乘田謂主苑圃

陳俎豆設禮容

禮容

芻牧之更也畜蕃息所謂牛羊也
壯長也此蓋孔子為貧而仕也
適周問禮於

老子反而弟子稍益進也
適注

或問孔子何以問禮於老子朱子曰老子嘗
為周柱下史故知禮節文所以孔子問之老
子雖知禮然其意以為不必盡行行之反以
多事故欲滅絕之也

適齊齊景公將待以季孟之間
魯三卿季氏最貴君待之之禮

極隆孟氏為下卿君待之之禮稍薄
景公欲以季孟之間待之孔子也
孔子反魯

定公用之不終
詳見上文
適衛
主顏離由家
將適陳過匡

匡人嘗為陽虎所暴孔子貌類陽虎止之
為去聲

陽虎字貨季氏之家臣也類似也
特則有顏淵後文王既沒之語
既免反于衛

醜靈公所為去之
主蘧伯玉家見南子有下矢子路之語醜羞愧也史記靈公

與夫人南子同車使孔子為次乘招搖
市過之孔子醜之有未見好德之語
過曹適

宋與弟子習禮大樹下桓魋伐按其樹
魋音苔宋司馬

向魋也出於桓公故又無桓氏時
則有天生德語及微服過宋事
適鄭鄭人曰

東門有人其顙似堯其項類臯陶其肩類子產

自要以下不及禹三寸纍纍然若喪家之狗
顙音類

英陶音遙要與腰同喪平聲
陶舜臣子產鄭大夫公孫僑也喪家之狗蓋主

似其
堯顙

人荒迷不見飲食故纍纍然瘦瘠而不得意也

有語我將西見趙簡子至河聞竇鳴犢舜華殺

死臨河歎曰美哉水洋洋乎立之不濟此命也

竇鳴犢舜華皆晉賢大夫而反于衛又主蘧伯簡子叙之故孔子至河而反

問陳不適陳據論語則絕蔡如葉反于蔡音葉

對而行楚使人聘之陳蔡大夫謀曰孔子用於楚則陳蔡危矣相與發

徒圍之於野孔子曰詩云匪兕匪虬率彼曠野

吾道非邪吾何為於此子貢曰夫子道至大天

下莫能容顏淵曰不容何病然後見君子楚昭

王興師迎之乃得至楚將封以書社地七百里

令尹子西不可兕音似野叶上與反○詩小雅何草不黃之篇兕野牛一角率

循行也子貢姓端木名賜顏淵名回皆孔子弟

子二千五百人為師索隱曰古者二十五家為

蓋以七百里人民封孔子也令尹官名楚上卿

執政者也朱子曰書社地七百孔子反于衛時

里恐無此理時則有接輿歌孔子反于衛時

公已卒衛君輒欲得孔子為政有魯衛李康子

迎歸魯哀公問政終不能用有對哀公乃序書

上自唐虞下至秦繆始二典刪古詩三千為三

序書
刪詩

史記

下

百十一篇皆弦歌之禮樂自此可述

彈曰弦誦曰歌時則

有祀宋損益從周及晚而喜易序彖象繫辭說

翁如樂正益耳等語

卦文言讀易韋編三絕

繫之辭以斷也文王所

謂之象今各卦彖曰以下之辭是也象周公孔

子所繫之辭卦下象辭一卦之義謂之大象爻

下象辭一爻之義謂之小象也繫辭所以統一言

天地之闡與人事之始終說卦所以陳說八卦

之德業文言所以釋論乾坤之妙理皆孔子之

所序述也韋皮也古者以皮條編簡冊披閱

之勤故至三絕時則有假我數年學易之語

魯史記作春秋自隱至哀十二公絕筆於獲麟

筆則筆削則削游夏之徒不能贊一辭

十二公

隱桓莊

閱信文宣成襄昭定哀也哀公十四年西狩獲

一角獸以示孔子孔子曰麟也胡為乎來哉因

感而作春秋故春秋之文至西狩獲麟而止也

筆削謂魯史之可者筆之不可者削之也游夏

孔子弟子言子游卜子夏也蓋春秋之義定天

下之邪正為百王之大法然出自聖心斷之在

已雖游夏善於文學亦不能贊助一辭也

弟

子

則有莫我知之歎及知我罪我之語

三千人身通六藝者七十二人

六藝禮樂射御

人姓名具載家語弟子顏回最賢

年七十三而

卒

宰我曰以予觀於夫子賢於堯舜遠矣

子貢曰見其禮而知其政聞其樂而知其德

魯史記作春秋自隱至哀十二公絕筆於獲麟

筆則筆削則削游夏之徒不能贊一辭

十二公

隱桓莊

閱信文宣成襄昭定哀也哀公十四年西狩獲

一角獸以示孔子孔子曰麟也胡為乎來哉因

感而作春秋故春秋之文至西狩獲麟而止也

筆削謂魯史之可者筆之不可者削之也游夏

孔子弟子言子游卜子夏也蓋春秋之義定天

下之邪正為百王之大法然出自聖心斷之在

已雖游夏善於文學亦不能贊助一辭也

弟

子

則有莫我知之歎及知我罪我之語

由百世之後等百世之王莫之能違也自生
民以來未有孔子也又曰夫子之不可及也
猶天之不可階而升也夫子之得邦家者所
謂立之斯立道之斯行綏之斯來動之斯和
其生也榮其死也哀如之何其可及也
有若曰豈惟民哉麒麟之於走獸鳳凰之於
飛鳥泰山之於^丘垤河海之於行潦類也聖
人之於民亦類也出於其類拔乎其萃自生
民以來未有盛於夫子也

孟子曰孔子^子聖之時者也孔子之謂集大成
集大成也者金聲而玉振之也

子鯉字伯魚早卒孫伋字子思作中庸^{伋音急}孟

子其門人也名軻魯孟孫氏之後生於鄒幼被

慈母三遷之教長受業子思之門人道既通游

齊梁不用退與萬章之徒難疑答問作七篇^長

聲難去聲○孟子字子車一說字子與鄒縣
名屬滕州本邾國也三遷事見小學稽古篇

韓愈曰斯道也堯以是傳之舜舜以是傳之
禹禹以是傳之湯湯以是傳之文武周公周

幼被
慈母
三遷
之教

公傳之孔子孔子傳之孟軻軻之沒不得其傳焉荀與揚也擇焉而不精語焉而不詳又曰孟軻師子思子思之學出於曾子自孔子沒獨孟軻之傳得其宗故史觀聖人之道者必自孟子始又曰孟子之功不在禹下

老子者楚苦縣人也李姓名耳字伯陽又曰字

聃為周守藏史聃音戶聃音軌藏去聲○陳氏曰聃當作芒屬亳州葛洪傳從

母姓李也藏史守藏書室之史也見周衰去至關關令尹喜曰

子將隱矣為我著書乃著道德五千餘言而去

萬氏曰函谷關陳氏曰當是玉門關關令守關之更也尹姓喜名字公度青城人

石氏願曰異端虛無之教始此然老子所著止此五千言今道家書有稱老君云云者皆後人假托言之耳

愚按老子五千言固亦嘉言然多虛無故其末流之弊遂使申韓荀揚莊列之徒襲為邪說設行以惑世誣民充塞仁義而不可救也嗚呼惜哉

其後有鄭人列禦寇蒙人莊周亦為老子之學

莊周著書侮孔子而誚諸子焉

陳氏殷曰鄭州名屬河南蒙邑

各屬睢州列子著書二十篇莊子著書三十篇為治也誚議議也諸子七十子之徒也

愚按聖賢異端所為不同如冰炭矛盾每每相反莊周為老子虛無之學而惡聖賢之害已也故鑿空杜撰幻語以侮誚之蓋欲以邪勝正非勝是何其謬哉

衛姬姓武王母弟康叔封之所封也

母弟同母之弟也

後世至春秋有靈公夫人南子之亂子蒯聵欲

殺南子不果出奔

蒯音快聵五怪反○南子宋女子姓亂淫也事見左傳定

康叔封衛

蒯聵

公十四年公卒立蒯聵之子輒蒯聵入輒拒之

朱子曰蒯聵欲殺母得罪於父而輒據國以拒父皆無父之人也

子路與其難太子之臣以戈擊子路斷纓子路曰君子死冠不免結纓而死衛人醢子路孔子

聞之命覆醢

與難皆去聲斷音短醢音海覆音福○子路孔子弟子姓仲名由太

子指蒯聵臣謂石乞孟鯀也纓冠系也免脫也醢肉醬也覆傾也言子路為衛人所醢孔子聞之命覆家醢蓋痛惜子路而不忍食其飲也

朱子曰子路仕衛之失前輩論之多矣然子

子思用言當長短

路却是見不到非知其非義而苟為也

戰國時子思居於衛言苟變可將衛侯曰變嘗

為更賦於民食人二雞子故不用將去聲○衛侯謂慎公也

其所長棄其所短故杞梓連抱而有數尺之朽賦收租稅也雞子卵也

良工弗棄今君處戰國之世而以二卯棄干城

之將此不可使聞於隣國也杞梓音起子二木名皆良材干盾城

郭皆所以扞外而衛侯言計非是而群臣和者

如出一口和夫子思曰君之國事將日非矣君

出言自以為是而卿大夫莫敢矯其非卿大夫

出言自以為是而士庶人莫敢矯其非詩曰具

曰予聖誰知鳥之雌雄矯音皎正也詩小雅正

以為聖人亦誰能別其言之是非周之諸侯惟

衛最後亡至秦并天下為帝二世始廢君角為

庶人角衛君名也○世紀衛自康叔至君角九四十三世

鄭姬姓周宣王庶弟桓公友之所封也桓公子

武公與其子莊公並為周司徒司徒掌教之官數世至

聲公相子產子產者公族國氏名僑孔子過鄭

桓公鄭子

與子產如兄弟云句穆襄以來鄭無歲不被晉

楚之兵子產受之句以禮自固雖晉楚之暴不

能加焉相去聲僑音喬○陳氏殷曰聲公當作簡公公族者鄭君之族也子產父字子

襄鄭穆公襄公也國因以國為氏穆鄭至周威烈王時君乙為韓

哀侯所滅韓徙都之乙鄭君名也○世紀鄭自桓公至君乙凡二十三世

晉姬姓成王弟唐叔虞之所封也唐本堯裔子所封至武王

時唐人作亂成王滅之因以唐封叔虞成王幼與虞故曰唐叔虞其子變遷晉因號晉

叔虞戲削桐葉為圭曰以此封若史佚請擇日

王曰吾與之戲耳佚曰天子無戲言遂封唐音佚

逸○瑞玉曰圭若汝也史太史佚其名後世至也成叔虞封唐之失詳見柳子厚辨文

文公霸諸侯文公名重耳獻公之次子也獻公

嬖於驪姬殺太子申生而伐重耳於蒲重耳出

奔十九年而後反國重平聲○陳氏殷曰驪姬驪戎氏女姬姓也蒲重耳

也食邑嘗餒於曹介子推割股以食之推音吹及食音似

歸賞從亡者狐偃趙衰顛頡魏犢而不及子推

從夫聲下同頡胡結反犢音稠子推之從者懸書宮門曰有龍

矯矯頃失其所五蛇從之周流天下龍飢乏食

一蛇割股龍返於淵安其壤土四蛇入穴皆有

重耳
出奔

處所一蛇無穴號于中野

下叶音戶割音奎號平聲野叶上與反○

項俄項也龍喻文公五蛇喻狐趙顛魏介也封割也

公曰噫寡人之過也

使人求之不得隱繇上山中焚其山子推死焉

後人為之寒食文公環繇山田封之號曰介山

為去聲○繇上地名在汾州焚山蓋欲逼之出也後人以子推焚死其日不忍舉火故寒食蓋

清明前三日也環田封之以供介廟菜盛也文公卒其後遂世為霸

歷襄公靈公成公景公厲公至悼公霸業復盛

又歷平公昭公頃公公室益弱而六卿范氏知

氏中行氏趙氏魏氏韓氏始大復扶又反項傾同知去聲行音傾

梳○晉大夫荀氏世為中軍將故號中行氏歷定公至出公知氏與

趙魏韓氏分范中行氏公怒四卿反攻公公出

奔而死哀公立趙魏韓氏又滅知氏而分之幽

公立晉獨有絳曲沃餘皆入趙魏韓氏號為三

晉絳州名屬今山西曲沃其屬邑也三卿共分晉地故號三晉烈公立三卿

以周威烈王命為侯又歷孝公至靖公魏武侯

韓哀侯趙敬侯共廢靖公為家人而分其地晉

絕不祀家人猶言廢人也○世紀晉自叔虞至靖公三十九世

陳媯姓虞舜之後胡公滿之所封也周武王求

胡公
封陳

太公
封齊
小白
奔莒

小白
立

而封之規 鳩音後世至春秋有公子完者出奔而仕於齊陳後為楚惠王所滅而完之後遂大於齊為田氏為楚之為去聲○世紀陳自胡公至閔公凡二十五世

齊姜姓太公望呂尚之所封也後世至桓公霸

諸侯五霸桓公為始名小白兄襄公無道群弟

恐禍及子糾奔魯管仲傅之小白奔莒鮑叔傅

之糾音九桓公弟也傳相也襄公為弟無知所弑無知亦為

人所殺為去聲齊人召小白於莒而魯亦發兵送

糾管仲嘗遮莒道射小白中帶鈞小白先至齊

而立鮑叔牙薦管仲為政公置怨而用之

射音石中

去聲○遮猶攔也帶鈞條環也置猶捨也

仲字夷吾嘗與鮑叔賈分

利多自與鮑叔不以為貪知仲貧也嘗謀事窮

困鮑叔不以為愚知時有利不利也嘗三戰三

走鮑叔不以為怯知仲有老母也仲曰生我者

父母也知我者鮑子也賈音古坐商也桓公九合諸侯

一匡天下皆仲之謀一則仲父二則仲父父音甫○

朱子曰九左傳作糾督也匡正也尊周室攘夷狄皆所以正天下也仲父蓋尊稱之也仲

病桓公問群臣誰可相易牙何如仲曰殺子以

九合
諸侯

公于
爭立

食君非入情不可近開方何如曰倍親以適君
 非入情不可近蓋開方故衛公子來奔者也賢
 刀何如曰自宮以適君非入情不可近仲死公
 不用仲言卒近之三子專權相食皆去聲倍與
背同堅音柱○近
 親也宮淫刑也卒終也崇仁吳氏曰殺子傷恩
 倍親傷義自宮傷孝皆非人之常情故不可親
 近之公內寵如夫人者六皆有子公薨五公子
 爭立相攻公尸在床無殯殮者六十七日尸蟲
 出於戶如夫人者姜也長衛姬生武孟少衛姬
生惠公鄭姬生孝公葛嬴生昭公密姬
生懿公宋華子生子雍禮記諸侯死曰薨薨之
為言曹也幽晦之義也陳氏曰桓公初欲立孝

孝公及卒而武孟等皆爭立古者死
三日而殮殮而後殯殯而後葬也

孔子曰桓公九合諸侯不以兵車管仲之力
 也如其仁如其仁又曰管仲相桓公霸諸侯
 一匡天下民到于今受其賜微管仲吾其被
 髮左衽矣又曰管仲之器小哉
 楊氏曰夫子大管仲之功而小其器蓋非王
 佐之才雖能合諸侯正天下其器不足稱也
 蘇氏曰自脩身正家以及於國則其本深其
 及者遠是謂大器管仲三歸反坫桓公內嬖

晏子
重於齊

六人而霸天下其本固已淺矣管仲死桓公薨天下不復宗齊

自桓公八世至景公有晏子者事之名嬰字平

仲以節儉力行重於齊一狐裘三十年豚肩不

掩豆齊國之士待以舉火者七十餘家陳氏殷曰八世

謂孝公昭公懿公惠公頃公靈公莊公僖公也

狐裘大夫之服三十年言服之久也豚豕也不

掩豆言儉之至也待以舉火晏子出其御之妻

從門間窺其夫擁大蓋策駟馬意氣揚揚自得既而歸妻請去曰晏子身相齊國名顯諸侯觀

晏御
揚揚

其志常有以自下子為入僕御自以為足妾是

以求去也御者乃自抑損晏子怪而問之以實

對薦為大夫御謂御車間隙也下謙也公使晏

子之晉與叔向私語以為齊政必歸陳氏如其

言景公後五世至康公田和受周安王命為侯

遷康公海濱以死姜氏遂絕不祀陳氏殷曰叔向晉大夫羊

舌勝也五世謂子荼悼公簡公平公康公也

田氏齊者本媯姓故陳厲公佗子完之後也完

奔齊為陳氏後又以陳氏為田氏完事齊桓公

陳完
奔齊 ○

為陳氏後
又為田氏

太公受命
為侯

淳于髡

為工正卒謚敬仲

他音駝。工正官名。死後而考行易名曰謚。

五世

至釐子乞事齊景公為大夫其收賦稅於民以

小斗受之其粟予民以大斗行陰德於民而公

弗禁由此得齊衆乞專政

釐信同乞音氣。與同。五世謂推潘須。

無無字

卒子成子恒弒簡公立平公封邑大於

公所食

恒胡登切。食采地也。言成子恒卒襄所封之邑大於平公之食邑也。

子盤立與韓趙魏通使蓋三家且有晉而田氏

且有齊也

使去聲。三家韓趙魏也。

歷莊子白至太公和遂

以周安王命為侯。卒子桓公午立卒子威王因

齊立初不治諸侯皆來伐八年楚大發兵加齊

齊使淳于髡請救于趙齎金百斤車馬十駟髡

仰天大笑王曰先生少之乎髡曰臣見道傍有

穰田者操一豚蹄酒一壺祝曰甌窶滿篝汙邪

滿車五穀蕃熟穰穰滿家臣見其所持者狹所

欲者奢故笑之王乃益黃金千鎰白璧十雙車

馬百駟髡乃行

治去聲。髡音坤。齊音躋。窶音婁。穰音穰。汙音烏。邪音衙。音。○淳于

姓髡名齊之辯士也。乘馬為駟。歐窶高狹田也。穰竹籠也。汙邪低下田也。五穀稻黍稷。穰菽也。

穰穰豐盛貌。滿篝滿車言高下皆熟滿載。而歸也。狹謂少也。奢謂多也。鎰二十兩也。時齊

烹封烹
阿即阿
大墨封烹
治齊即阿

國幾不振王乃召即墨大夫語之曰自子之居
即墨也毀言日至然吾使人視即墨田野闢人
民給官無事東方寧是子不事吾左右以求助
也封之萬家召阿大夫語之曰自子之守阿譽
言日至然吾使人視阿田野不闢人民貧餒趙
攻鄆子不救衛取薛陵子不知是子厚幣事吾
左右以求譽也是日烹阿大夫與嘗譽者群臣
皆懼莫敢飾詐齊大治諸侯不敢復致兵

聾語治復皆去聲鄆音縮○振起也即墨邑名
屬膠州阿亦邑名屬東平鄆縣名屬濮州飾詐

威王
以賢
為寶

脩飾詐
偽也

威王與魏惠王會田於郊惠王曰齊有
寶乎王曰無有惠王曰寡人國雖小猶有徑寸
之珠照車前後各十二乘者十枚威王曰寡人
之寶與王異吾臣有檀子者使守南城楚人不
敢為寇泗上十二諸侯皆來朝有盼子者使守
高唐趙人不敢東漁於河有黔夫者使守徐州
則燕人祭北門趙人祭西門有種首者使備盜
賊道不拾遺此四臣者將照千里豈特十二乘
哉惠王有慙色

乘去聲朝音潮黔渠金反徐音
舒種上聲○田與畋同獵也國

使田忌救韓臆

外百里曰郊徑寸則謂三寸珠之大者也南城縣名屬泰山泗水名在魯地泗上者泗水之上也十二國號本詳聘即田聘也高唐州名屬陳昌徐州即薛縣也宋氏曰燕在齊之北趙在齊之西燕趙畏齊侵伐故各祭於其境以求福也遺失也失物於道入亦不敢拾取之也威

王卒子宣王立喜文學游說之士騶衍淳于髡田駢慎到之徒七十六人皆為上大夫是以齊

稷下學士盛且數百人然孟子至而不能音說用

稅騶音鄒○劉向日稷齊城門各游說之士期會於其下也或曰齊有稷山蓋立館於其下以待游士也魏伐韓韓請救於齊齊使田忌為將以救

韓魏將龐涓嘗與孫臏同學兵法涓為魏將軍

孫臏減弱示

自以所能及以法斷其兩足而黥之齊使至

魏竊載以歸至是臏為齊軍帥直走魏都涓去

韓而歸臏使齊師入魏地者為十萬竈明日為

五萬竈又明日為二萬竈涓大喜曰我固知齊

軍怯入吾地三日士卒亡者過半矣乃倍日并

行逐之臏度其行莫當至馬陵道陘而旁多阻

可伏兵乃斫大樹白而書曰龐涓死此樹下令

齊師善射者萬弩夾道而伏期暮見火舉而發

涓果夜至斫木下見白書以火燭之萬弩俱發

馬
子
申

魏師大亂相失消自到曰遂成豎子之名齊大

破魏師虜太子申

將去聲贖匹忍反斷音短黥音藥度音鐸莫音暮陜狹同

黥墨刑馬陵在濮州鄆城東北伏藏也燭照也豎子指孫臏言成就贖之名也宣王

卒湣王立靖郭君田嬰者宣王之庶弟也封於

薛有子曰文食客數千人名聲聞於諸侯號為

孟嘗君

薛郡名屬山西

司馬公曰君子之養士以為民也今田文盜

君之祿以立私黨張虛譽上侮其君下蠹其

民是姦人之雄耳書曰逋逃主萃淵藪此之

謂也

秦昭
王求
孟君

秦昭王聞其賢乃先納質於齊以求見至則止

囚欲殺之孟嘗君使人抵昭王幸姬以求解姬

曰願得君狐白裘蓋孟嘗君嘗以獻昭王無佗

裘矣客有能為狗盜者入秦藏中取裘以獻姬

姬為言得釋即馳去變姓名夜半至函谷關關

法雞鳴方出客恐秦王後悔追之客有能為雞

鳴者雞盡鳴遂發傳出食頃追者果至而不及

孟嘗君歸怨秦與韓魏伐之入函谷關秦割城

以和質音至藏去聲傳直戀反○質謂紙臣子以爲信也抵猶投也師古曰姬者周之姓
貴於諸侯之女故婦人羨號皆稱姬後因總謂衆妾爲姬也蓄貨財之所曰藏函谷關在陝州
快林縣南傳即今驛券也

王荆公曰世皆稱孟嘗君能得士士以故歸之而卒賴其力以脫於虎豹之秦嗟乎孟嘗君特雞鳴狗吠之雄耳豈足以言得士不然擅齊之強得一士焉宜可以南面而制秦尚取雞鳴狗吠之力哉雞鳴狗吠之出其門此士之所以不至也

燕入淄
臨軍

孟嘗君相齊或毀之於王乃出奔相去聲淄王滅宋而驕燕昭王以齊嘗破燕之故與諸侯合謀而攻齊燕軍入臨淄淄王走莒楚將淖齒救齊反殺淄王而與燕共分齊之侵地臨淄縣屬益都莒縣屬密州

管子曰國者天下之利用也人主者天下之利勢也得道以持之則大安也大榮也積美之源也不得道以持之則大危也大累也有之不如無之及其綦也索爲匹夫不可得也

齊潘宋獻是也

註綦音其窮極也索求也

王孫賈從潘王於莒而失王處其母曰汝朝出

而晚來吾則倚門而望汝莫出而不還吾則倚

閭而望汝今事王王走汝不知處汝尚何歸賈

乃攻淖齒殺之求潘王子法章而立之保莒以

法章保莒

抗燕

從去聲○閭里門也言平時汝出則望汝歸今失王處則當致身循國尚何歸乎其

母亦可謂之賢矣法章即襄王也

時齊城惟莒即墨不下即墨

人推田單為將軍身操板鍤與士卒分功妻妾

編於行伍收城中得牛千餘為絳繒衣畫五采

田單以牛燒燕軍敗

田單攻狄

龍文束兵刃其角灌脂束葦於尾燒其端鑿城

數十穴夜縱牛壯士隨其後牛尾熱怒奔燕軍

所觸盡死傷而城中鼓譟從之聲震天地燕軍

敗走七十餘城皆復為齊迎襄王於莒封單為

安平君

鍤音抽行音抗○鍤蓋屬行伍也繒帛也脂油也

單攻狄

三月不克魯仲連曰將軍在即墨曰無可往矣

宗廟亡矣將軍有死之心士卒無生之氣莫不

揮泣奮臂欲戰今將軍東有夜邑之奉西有淄

上之娛黃金橫帶騁乎淄澠之間有生之樂無

馮驩
彈劔
作歌

死之心故不勝也單明日厲氣巡城立於矢石

之所援枹鼓之狄人乃下夜音亦灑音戎樂音洛枹音柷○夜邑屬

萊州淄瀆二水名矢箭也石砲也接持枹聲鼓槌也言擊鼓以進兵也襄王既立

而孟嘗君中立為諸侯無所屬王畏之與連和

屬音竹連也初馮驩聞孟嘗君好客而來見置傳舍

十日彈劔作歌曰長鋏歸來乎食無魚遷之幸

舍食有魚矣又歌曰長鋏歸來乎出無與遷之

代舍出有與矣又歌曰長鋏歸來乎無以無家

孟嘗君聞之不悅好傳皆去聲鋏音切家叶音姑○傳舍旅館也直驩於此

蓋暫留宿食也鋏劔名或曰劔把也時邑入不

足以奉客使人出錢於薛貸者多不能與息孟

嘗君乃進驩請責之驩往不能與者取其券燒

之孟嘗君怒驩曰令薛民親君孟嘗君竟為薛

公終於薛出去聲驩音態券音勸○邑入謂封邑所收租稅也貸借也息利錢也責

之謂責貸者不納利息之罪也券契約也言驩見薛民貧而不能與息者輒焚其券而不追取

將以使其薛民受惠而親愛其君也襄王卒子建立母君王后賢

事秦謹與諸侯信君王后卒齊客多受秦金為

反間勸王朝秦不脩攻戰之備不助五國攻秦

不助
五國

攻秦
王遷于

秦王政既滅五國，兵入臨淄，王建遂降，遷于共處之。松柏之間而死，以齊為郡，齊人歌之曰：「松柏栢邪，栢建共者，客邪。」
間去聲，言反其言以離之也。共，恭同邑名。屬河內。○世紀田齊自太公和至王建九七世。

司馬溫公曰：從橫之說，雖反覆百端，然合從者六國之利也，向使六國能以信義相結，則秦雖強暴，烏得而亡之哉？蓋以三晉而攻齊，楚是自絕其根柢也，以齊楚而攻三晉，是自撤其藩蔽也。烏有撤其藩蔽，以媚盜曰盜將

封趙
趙父趙

愛我而不攻，豈不悖哉？

趙之先本與秦同姓，祖於蜚廉，有子季勝，其後有造父者，事周穆王，以功封趙城，由是為趙氏。

蜚與飛同，趙城縣名，屬霍州。

春秋時有趙夙者，事晉夙，生成

子衰，衰生宣子盾，入曰趙衰，冬日之日也，趙盾

夏日之日也，冬日可愛，夏日可畏。
衰初危反，盾盾徒本反。

生朔，大夫屠岸賈滅朔之族，朔有遺腹子武賈，索之不得，朔客程嬰，公孫杵臼相與謀曰：「立孤與死孰難？」嬰曰：「死易，立孤難耳。」杵臼曰：「子為其

難杵曰取他兒匿山中嬰出謀曰與我千金吾告趙氏孤處賈喜乃使人隨嬰殺杵臼及兒而趙氏真孤在嬰後與武滅賈竟立武而自殺以下報宣孟及杵臼父在而孕沒而生曰遺腹子也匿藏也謬詐妄也秦以一鑑為一金下地下也宣即宣子盾孟其字也愚按人之所難者莫甚於死也死苟得其所雖殺身捐軀復何所顧避哉若程嬰公孫杵臼於其君是已趙氏族滅矣遺腹子危矣而二子不忘食祿之義不畏沒身之誅一為死

易於前以脫屠岸賈之索武一為立孤難於後而自殺以下報宣孟及杵臼其抗節致忠視死如歸為何如哉嗚呼世有貪生忍耻忘君事讎者視二子寧無顏厚乎

武卒號文子文子生景叔景叔生簡子鞅簡子有臣曰周舍死簡子每聽朝不悅曰千羊之皮不如一狐之腋諸大夫朝徒聞唯唯不聞周舍之鄂鄂也鞅倚兩反朝音潮腋音亦唯上聲○腋肘也狐腋白而溫最貴唯唯者應之速而無辨難也鄂鄂鄂鄂同響忤之意直言也鄂鄂詩簡子長子曰伯魯幼曰

無恤書訓戒之辭於二簡以授二子曰謹識之

三年而問之伯魯不能舉其辭求其簡已失之

矣無恤誦其辭甚習求其簡出諸懷中而奏之

於是立無恤為後長上鞏識音志簡子使尹鐸

為晉陽請曰以為繭絲乎以為保障乎簡子曰

保障哉尹鐸損其戶數簡子謂無恤曰晉國有

難必以晉陽為歸難去聲○為猶治也晉陽縣

者賦稅也保障者藩籬也尹鐸之意不在賦稅而在藩籬此其所以保晉陽也損減也減損戶數則賦稅輕而民力舒也趙本晉大夫故簡子自謂晉國也歸依投也簡子卒無

智伯求於魏趙

韓魏滅智

恤立是為襄子智伯求地於韓魏皆與求於趙

不與率韓魏之甲以攻趙襄子出走晉陽三家

圍而灌之城不浸者三板沈竈產鼃民無叛意

襄子陰與韓魏約共敗智伯滅智氏而分其地

鼃蛙同○廣二尺曰版言城被灌浸而不沒者惟三板而已陰私也

司馬公曰智伯之亡也才勝德也聰察疆毅

之謂才正直中和之謂德才者德之資德者

才之帥也是故才德兼全謂之聖人才德兼

亡謂之愚人德勝才謂之君子才勝德謂之

豫讓
為智
伯報
仇

小人凡取人之術苟不得聖人君子而與之
與其得小人不若得愚人然德者人之所嚴
才者人之所愛愛者易親嚴者易踈是以察
者多蔽於才而遺於德自古以來國之亂臣
家之敗子才有餘而德不足以至顛覆者多
矣豈特智伯也哉

襄子漆智伯之頭以為飲器智伯之臣豫讓欲
為之報仇乃詐為刑人挾匕首入襄子宮中塗
廁襄子如廁心動索之獲讓

飲如字為去聲也
比廁音次

器劉氏曰酒器每賓設之示恨深也晉灼曰漫
便器蓋賤之也未知孰是刑人闔也匕首尺
八短劍也其頭類匕故曰匕首塗路也廁溷舍
也言讓詐為宦者入宮中登廁路傍以伺襄子
而刺也問曰子不嘗事范中行氏乎智伯滅之子
不為報仇反委質於智伯智伯死子獨何為報
讎之深也為去聲質音只身也言
委質其身而忠事之也曰范中行氏
眾人遇我我故眾人報之智伯國士遇我我故
國士報之也遇待襄子曰智伯死無後而此人欲
為報仇真義士也舍之謹避而已為去聲舍
上聲釋也讓
又漆身為癩吞炭為啞行乞於市其妻不識也

其友識之曰以子之才臣事趙孟必得近幸子乃為所欲為顧不易邪何乃自苦如此癩音賴易音異
○漆有毒人近之則患瘡疾若癩然漆身以變其容吞炭以變其聲妻不識者容也友識之者心也晉六卿趙氏最長故曰趙孟近幸者親近寵幸也所欲為指報仇而言自苦指癩亞而言也
讓曰不可既委質為臣又求殺之是二心也凡吾所為者極難耳然所以為此者將以愧天下後世為人臣懷二心者也言既臣事之不當有二心吾為此固知報仇之難不過盡吾之心以襄子出讓伏橋為後世人臣懷二心之愧而已
下襄子馬驚索之得讓遂殺之伏藏也

胡氏曰君子為名譽而為善則其善必不誠人臣為利祿而效忠則其忠必不盡使智伯有後而豫子為之報仇其心未可知也智伯無後矣而讓也不忘國士之遇以死許之至再三而愈篤則無所為而為之者真可謂義士耳然襄子知其如此而終殺之何以為人臣之勸哉

賈誼曰此一豫讓也其始忘君事讎行若狗彘已而抗節致忠行出乎烈士皆人主使然

烈侯受命為侯

蘇秦說六國從親

也然則為人君者可不以禮遇其臣下哉

襄子立伯魯之孫浣是為獻子獻子生烈侯籍

以周威烈王命為侯浣音歷武公敬侯成侯侯至

肅侯秦人恐喝諸侯求割地恐喝蓋以大言也有

洛陽蘇秦游說秦惠王不用乃往說燕文侯侯與

趙從親說音稅從音宗下並同燕資之以至趙

說肅侯曰諸侯之卒十倍於秦并力西向秦必

破矣為大王計莫若六國從親以擯秦為去聲

反○給助路費曰資六國肅侯乃資之以約諸

侯蘇秦以鄙諛說諸侯曰寧為雞口無為牛後

於是六國從合諺音彥俗語也正義曰雞口雖

也陳氏曰雞口雖小貴也牛後雖大賤蘇秦者

師鬼谷先生鬼谷先生謂王詡居初出游因而

歸妻不下機嫂不為炊為去至是為從約長并

相六國行過洛陽車騎輜重擬於王者昆弟妻

嫂側目不敢仰視俯伏侍取食長上聲相騎皆

仲載衣物之蘇秦笑曰何前倨而後恭也倨音

也慢嫂曰見季子位高金多也季子秦秦喟然歎

蘇秦相國六秦

秦使
犀首
敗從

武靈
王胡
服騎

蘭相
如璧
秦往

秦王
會渑
池約

曰此一入之身富貴則親戚畏懼之貧賤則輕
易之况衆人乎使我有洛陽負郭田二頃豈能
佩六國相印乎於是散千金以賜宗族朋友音易
異慢也 負郭田近城田 既定從約歸趙肅侯封

為武安君其後秦使犀首欺趙欲敗從約齊魏

伐趙蘇秦恐去趙而從約解犀首官名即公孫

魏以伐趙肅侯讓蘇秦秦恐請 肅侯子武靈王

立始胡服招騎射略胡地城中山欲南襲秦不

果騎去聲○胡服胡屬之服也騎射騎 傳子惠

文王惠文嘗得楚和氏璧秦昭王請以十五城

易之欲不與畏秦強欲與恐見欺易音亦○楚

卞和氏也嘗得玉於荆山 蘭相如願奉璧往城

不入則臣請完璧而歸蘭音 既至秦王無意償

城相如乃給取璧怒髮指冠卻立柱下曰臣頭

與璧俱碎遣從者懷璧間行先歸身待命於秦

秦昭王賢而歸之償音常給蕩亥反從間皆去

間行謂私 秦王約趙王會渑池相如從及飲酒

秦王請趙王鼓瑟趙王鼓之渑池音免從去聲○

渑池縣名屬陝州

相引避頗
如車康

瑟絲屬二
相如請秦王擊音為秦聲秦王不肯

秦俗擊之以節樂
相如曰五步之內臣得以

頸血濺大王左右欲刃之相如叱之皆靡秦王

為一擊音秦終不能有加於趙趙亦盛為之備

秦不敢動音幾音箭叱音只為去聲○五步之內

喝之也靡趙王歸以相如為上卿在廉頗右音古

尚右故以頗曰我為趙將有攻城野戰之功相

如素賤人徒以口舌居我上吾羞為之下我見

相如必辱之音將去相如聞之每朝稱疾不欲與

爭列出望見輒引車避匿其舍人皆以為為耻音朝

聲○列位序也舍人猶言家人也相如曰夫以秦之威相如廷

叱之辱其群臣相如雖鴛獨畏廉將軍哉顧念

強秦不加於趙者徒以吾兩人在也今兩虎共

鬪其勢不俱生吾所以為此者先國家之急而

後私仇也音夫平聲鴛音奴鈍也為頗聞之肉袒

負荆詣門謝罪遂為刎頸之交音袒音袒

荷也荆楚屬刎頸謂刎割其頸為人也音楊氏曰古之智者以小事大有以皮幣犬馬

廉刎交
爾頸

珠玉而不得免者至乃棄國而逃之况一璧乎雖與之可也相如計不出此而欲以身死之可謂失義而傷勇矣及其完璧而歸趙亦何益哉至於渑池之會則其危又甚矣雖勿往可也相如為國卿相挾萬乘之君以蹈危事其勇智又不足重趙使秦不敢喘焉乃欲以頸血濺之豈非孔子所謂暴虎馮河死而無悔者歟

惠文王子孝成王立秦伐韓韓上黨降於趙上黨

代趙王孝成
願括以成

郡名屬山西今潞州是也通鑑上黨守馮亭謀曰秦兵日進韓不能支不如歸趙韓趙為一可
以當秦攻趙廉頗軍長平堅壁不出軍屯駐也長平城名

在澤州高平西堅壁謂秦獨畏馬服君趙奢之子括為將耳間將皆去聲奢常

為趙將有功封馬服君王使括代頗相如曰王以名使括

若膠柱鼓瑟耳括徒能讀父書不知合變也王

不聽柱者瑟上馬足所以移游上下以調聲也瑟二十五絃一絃一柱以膠粘之則不能

鼓矣括少學兵法以天下莫能當與父奢言之奢不能難然不謂善也括母問故奢曰兵死地也

而括易言之趙若將括必破趙軍少難易將皆去聲○難辨

難也言括以兵為易而奢不與辨難亦不謂其善將兵所以括母疑而問也及括將

行其母上書言括不可使有即有不稱妾請無隨坐之語括至

軍果為秦將白起所射殺卒四十萬皆降坑於

長平為將皆去聲○坑謂殺而壓之於谷也趙相平原君公子勝

食客常數千人客有公孫龍者能為堅白同異

之辨龍字子石莊子疏云公孫龍者守白論行之于世堅白蓋即守白言堅執其說而守之也龍之辨將合異以為同故曰同異秦攻趙邯鄲平原君求救於

楚擇門下文文武備具者二十人與俱得十九人

自毛遂

邯鄲音寒單縣名屬磁州毛遂自薦平原君曰士處世若雖

處囊中其末立見今先生處門下三年未有聞

處上聲雖音追見音現下同○鑽也囊袋也末雖抄也見露出也遂曰使遂得

脫穎而出非特末見而已穎猶笑也穎音影雖

也平原君乃以備數十人目笑之目笑謂目相視而冷

也笑之至楚定從不決毛遂按劍歷階升曰從之

利害兩言而決耳今日出而言日中不決何也

也楚王怒叱曰胡不下吾與而君言汝何為

者胡何也下謂下階也而汝也君指平原君毛遂按劍而前曰王所

脫穎

也

以叱遂以楚國之衆也今十步之內不得恃楚國之衆也王之命懸於遂手以楚之強天下莫能當白起小豎子耳一戰而舉鄢郢再戰而燒夷陵三戰而辱王之先人此百世之怨趙之所蓋合從爲楚非爲趙也鄢音偃爲去聲○鄢城名在襄州夷陵郡名屬湖北今王曰唯唯誠若先生之言謹奉社稷以唯上聲應之速也臨川陳氏曰古者建國左祖右社蓋左陽右陰陰主殺故軍行則載社從祖右社蓋左陽右陰陰主殺故軍行則載社主以行示征伐之不取專也或曰社主土稷主穀稷何與於軍行乎曰稷非土無以生土非稷無以見生效以其同功而均利故言社則并稷而言之非謂載稷主以行軍也遂曰取

定毛從

秦大陵魏
軍破君信

雞狗馬之血來捧銅盤跪進曰王當飲血以定從次者吾君次者遂左手持盤右手招十九人飲血於堂下曰公等碌碌所謂因入成事者也飲所甲友○臨川陳氏曰凡盟用牲貴賤不同天子牛馬諸侯犬豕大夫以下用雞今摠盟之故曰雞狗馬也飲飲也殺牲取血以祭司盟之神同盟者共飲其血而瘞其餘也碌碌者庸常也平原君定從歸曰毛先生一至楚使趙重於九鼎大呂以遂爲上客九鼎禹所鑄者大呂正義曰周廟大鐘楚將春申君救趙會魏信陵君亦來救趙大破秦軍邯鄲下將去聲下同孝成王子悼襄王立思復用

悼襄王復廉頗用思

李牧為破匈奴將

廉頗為將時頗奔在魏遣人視頗頗之仇郭開與使者金令毀之復扶又反使去聲下同頗見使者一飯斗米肉十斤披甲上馬以示可用使者還曰廉將軍尚善飯然與臣坐頃之三遺矢矣王以為老遂不召矢屎同言坐不久而大便不禁者三也楚人迎頗於魏頗為楚將無功曰我思用趙人尋卒頗以趙士卒訓練有素故思用之也趙得李牧為將先君北邊破匈奴北狄曰匈奴趙牧為大將敗之秦縱反間言牧將反遷誅之

繆音木

秦兵至虜遷趙之亡大夫立趙嘉為王

王于代

代州名屬今山西通鑑嘉奔代伐自秦進

攻破代遂滅趙為郡

世紀趙自烈侯受命至王嘉凡十一世

魏之先本與周同姓文王子畢公高之後也國

絕有苗裔曰畢萬事晉邑于魏魏屬大縣名數世有

絳絳後四世有桓子者與韓趙共滅智氏而分

之提要畢萬生武子武子生悼子悼子生昭子絳絳生舒生侈侈生桓子駒桓子

之孫曰文侯斯者以周威烈王命為侯以下子

夏田子方為師過段干木之間必式四方賢士

文侯受命為式段侯

畢邑魏于萬

干木
之間

田子
謂子
方貧
者驕
人

文侯
定相
於李
克

多歸之式車前橫木有所文侯之子擊遇子方

于道下車伏謁子方不為禮擊怒曰富貴者驕

入乎貧賤者驕入乎子方曰亦貧賤者驕入耳

富貴者安敢驕入國君驕入失其國大夫驕入

失其家夫士貧賤者言不用行不合則納履而

去安往而不得貧賤哉擊謝之夫士之夫音扶

坐則脫履去文侯謂李克曰先生嘗教寡人家

貧思良妻國亂思良相今所相非魏成則翟璜

二子何如相去聲下並同翟克曰居視其所親

富視其所與達視其所舉窮視其所不為貧視

其所不取五者足以定之矣子夏田子方段干

木成所舉也乃相成達謂達而在上窮謂窮而在下有衛人吳

起者初仕魯魯欲使起擊齊而起娶齊女疑之

起殺妻以求將大破齊師將去聲下並同或曰起殘忍

薄行人也起恐得罪亡歸魏文侯以為將拔秦

五城行去聲也如接木然起與士卒同衣食卒

有病疽起吮之卒母聞之哭曰往年吳公吮其

父不旋踵死敵今又吮其子妾不知其死所矣

吳起
殺妻
求將

吳起
為將
疽吮

卷之六

武侯以山河為寶

吳起在德險

惠王甲厚以賢者辭幣

疽音蛆癰也吮咀充反吸也謂文侯卒擊立是

吸其膿血也旋也踵謂轉步也為武侯武侯浮西河而下中流顧謂吳起曰美

哉山河之固魏國之寶也起曰在德不在險昔

三苗氏左洞庭右彭蠡禹城之桀之居左河濟

右泰華伊闕在其南羊腸在其北湯放之紂之

國左孟門右太行恒山在其北大河經其南武

王殺之若不脩德舟中人皆敵國也武侯曰善

行音杭恒胡登反○洞庭湖名在岳州巴陵縣

西彭蠡澤名在彭澤縣東即鄱陽湖也河濟二

水名泰華伊闕孟門太行恒山皆武侯卒子惠

王瑩立東敗於齊將軍龐涓與太子申皆死南

敗於楚西喪地於秦乃卑辭厚幣以招賢者孟

子至而不能瑩於耕反喪去聲○朱子曰惠

子申十七年秦取魏少梁後魏數獻地於秦又

與楚將昭陽戰敗亡其七邑三十五年卑辭厚

幣以招賢者而孟子至梁有何必曰利賢者樂

此不違農時仁者無敵之語惠王以為迂遠中

不能於事情襄王立孟子去之齊有不以人魏人

有張儀者與蘇秦同師嘗游楚為楚相所厚妻

愠有語儀曰視吾舌尚在否儀嘗從楚相欽已

而亡壁意儀盜之乃執而答之視舌在否示將

復為游說也○莊子書云得魚忘筌得兔忘蹄

張儀
以六國
連秦
事

故曰筌蹄筌蹄者蘇秦約從時激儀使入秦儀

曰蘇君之時儀何敢言按蘇秦使人說張儀來

通又使不得去者數日及見又慢辱之既激其

怒而入秦乃陰使人賂其資隨之入秦他日以

實告曰蘇君憂秦伐趙敗從約以為非君不得

秦柄所以激君之怒使臣陰奉給君資此蘇君

之計也故儀蘇秦去趙而從解儀專為橫連六

國以事秦秦惠王時儀嘗以秦兵伐魏得一邑

復以與魏而欺魏割地以謝秦歸為秦相已而復

出為魏相實為秦地襄王時復歸相秦已而復

出相魏以卒復扶又及實為之為去聲○正義

曰關東地從長六國共居之蘇秦

相六國令從親以擯秦故曰合從關西地橫廣

秦獨居之張儀相秦連六國以事秦故曰連橫

景春曰公孫衍張儀豈不誠大丈夫乎一怒

而諸侯懼安居而天下熄孟子曰是妾婦之

道也惡得為大丈夫乎居天下之廣居立天

下之正位行天下之大道得志與民由之不

得志獨行其道富貴不能淫貧賤不能移威

武不能屈此之謂大丈夫

魏安釐王立封公子無忌為信陵君無忌愛人

下士食客三千人釐音熙○無忌安秦攻趙魏

釐王異母弟也

安釐王說趙共尊秦帝

無忌晉兵救鄒趙

無忌魏秦兵敗還

王使晉鄙救之秦昭王欲移兵先擊救者王恐
 止晉鄙兵壁于鄴鄴郡名屬江東今彰德府又使新垣衍說
 趙共尊秦為帝魯仲連往見衍曰彼秦者棄禮
 義上首功之國也即肆然帝天下則連有蹈東
 海而死耳衍再拜曰先生天下士也吾不敢復
 言帝秦矣說音稅復扶又反○上與尚同秦法斬首多者為上功斬一人首賜爵一級也
 趙平原君夫人無忌姊也趙急使者冠蓋相
 望責救於無忌無忌請於王及使賓客游說萬
 端王不聽姊音子說音稅客侯嬴教無忌禱於王幸姬

竊得晉鄙兵符且薦力士朱亥與俱謂晉鄙合
 符而疑則擊殺而奪其軍一如嬴言得以兵進
 大破秦兵解邯鄲圍而無忌不敢歸魏嬴音盈○朱子
曰符以玉為之篆刻文字而中分之彼此各藏其半有故則左右相合以為信也秦伐
 魏魏患之使人請無忌不肯歸客毛公薛公見
 曰魏急而公子不恤一旦秦克大梁夷先王宗
 廟公子何面目立於天下乎恤救也魏都大梁夷滅也無忌
 趣駕還諸侯聞無忌為魏將皆遣救無忌率五
 國兵敗秦兵於河外追至函谷關而還趣與促同急也

五國魏趙韓楚燕也
河外黃河南岸也

術

臨江梁氏顛曰從橫之說固皆詭術然為從者實六國之利也當無忌之時六國益不支於秦矣然無忌一旦為魏將五國助之大破秦軍况於其初能以信義相親并力西向則秦雖強暴安得而亡之哉故曰滅六國者六國也非秦也

無忌卒十八年而王假立後又二年秦王政遣兵伐魏殺王假而滅魏為郡世紀魏自文侯受命至王假凡九世

韓後裔
晉商
氏高
景侯
慶命
為侯

韓政
刺韓
相俠
累俠

韓之先本與周同姓武王子韓侯之後也國絕其後裔事晉為韓氏韓武子之三子曰厥厥五世至康子與趙魏共滅智氏又二世至景侯慶以周威烈王命為侯提要武子事晉得封於韓原遂為韓氏厥謚獻子晉景公時為卿自獻子歷宣子貞子簡子莊子康子武子至景侯韓相俠累與濮陽嚴仲子有隙仲子聞軹人聶政之勇以黃金百鎰為政母壽欲因以報仇政曰老母在政身未可以許人也及母卒仲子乃使政圖之俠累方坐府兵衛甚嚴政直入刺之因自皮面抉目

哀侯 徒申 害相 治強 兵國 為不 鄭侯

韓人暴其尸於市購問莫能識姊嫫往哭之曰

是深井里聶政也以妾在之故重自刑以絕蹤

妾奈何畏沒身之誅終沒賢弟之名遂死政尸

旁俠音挾累平聲濮音卜軹音止暴步木反購

縣名屬開州軹亦縣名屬河內為壽備言養老

也因托也圖謀也公相之居曰府皮面謂披其

以財相求曰購深井里在軹縣重復也自刑指

皮面挾景侯四世至哀侯徙都鄭四世景侯烈

目而言害以黃老刑名之學為昭侯相句國治兵強去治

也韓本都穎川至哀侯二世至昭侯鄭人申不

也黃老黃帝老子也昭侯有弊袴命藏之不

賜左右侍者曰君亦不仁者矣昭侯曰明主愛

一嘖一笑嘖有為嘖笑有為笑今袴豈特嘖笑

哉吾必待有功者嘖為去聲也昭侯卒子宣惠王

立三世至桓惠王韓上黨守降趙致趙受秦兵

而有長年之敗三世宣惠王襄王僖王又一世

至王安秦王政遣將虜安遂滅韓為郡世紀韓

楚之先出自顓頊顓頊之子為高辛火正命曰

○

熊封熊陽熊借
丹澤渠王

文都
王郢

兼日
王夜
樂為

祝融高辛帝嚳也或曰當作高弟吳回復居其

職復去二世有季連者得芋姓芋音季連之後

有鬻熊事周文王成王封其子熊繹於丹陽至

夷王時楚子熊渠者僭稱王十一世至春秋有

曰武王益強大自熊渠立華江熊延熊勇熊嚴熊霜熊豹熊罴若敖宵敖蚡冒

至武王凡至文王始都郢成王與齊桓公盟召

陵尋與宋襄公爭霸後與晉文公戰城濮召音

也音卜○召陵社預曰潁川潞歷穆王至莊王即

位三年不出令日夜為樂令國中敢諫者死去令

音洛伍舉曰有鳥在阜三年不蜚不鳴是何鳥

也土阜王曰三年不蜚蜚將奮天三年不鳴鳴

將驚人衝音蘇從亦入諫王乃左執從手右抽

刃以斷鐘鼓之懸明日聽政任伍舉蘇從國人

大悅又得孫叔敖為相遂霸諸侯斷音歷共王

康王邲敖靈王平王昭王惠王簡王聲王悼王

肅王宣王威王至懷王共恭同秦惠王欲伐齊

患楚與從親乃使張儀說懷王曰王閉關而絕

齊請獻商於之地六百里懷王信之使勇士北

張儀
楚儀
絕齋

秦盟于楚
黃棘

辱齊王齊王大怒而與秦合從音宗說音稅○商於二邑名在弘

農楚使受地於秦儀白地曰從某至某廣袤六里

王大怒伐秦大敗使去聲袤音茂長也廣濶也秦昭王與懷

王盟于黃棘黃棘地名在房既而遺書懷王願

與君王會武關屈平不可子蘭勸王行秦人執

之以歸楚人立其子頃襄王懷王卒於秦楚人

辭之如悲親戚遺去聲屈九勿反○武關在商州商洛縣屈平字原小字靈均

本與楚同姓武王子瑕食采於屈因氏焉子蘭懷王少子也

臨江梁氏曰懷王以貪地之故而為秦所誑

屈平
騷作離

輕絕齊交又興忿兵伐秦取敗亦可悟矣而
又信秦之詭言往會武關迫以入秦朝於章
臺要以割地卒至客死可悲也夫

初屈平為懷王所任以讒見疏作離騷以自怨

至頃襄王時又以譖遷江南遂投汨羅以死疏

同汨音覓○離遭也騷憂也屈平作之騷王之王少寤也汨水名在豫章應劭曰汨水在羅故曰汨羅今長沙

朱子曰原之為人其志行雖或過於中庸不
可以為法然皆出於忠君愛國之誠心也

項襄王徙
陳考烈王徙
壽春

秦拔郢楚徙都於陳項襄王卒子考烈王立又徙於壽春春申君黃歇行相事壽春縣各屬安豐當是時齊有孟嘗君魏有信陵君趙有平原君楚有春申君皆好客春申君食客三千人好去平原君使人於春申君欲夸楚為玳瑁簪刀劍室飾以珠玉春申君上客皆躡珠履以見之趙使大慙使去聲玳音代瑁音昧夸矜耀也室韜也趙人荀卿至楚春申君以為蘭陵令令去聲○荀卿名况著書三十二篇蘭陵縣名屬邳州李園以妹獻春申君有娠而後納之考烈王是生幽

召公奭
燕與封公○

王園使盜殺春申君以滅口而專楚政娠音申孕也幽王卒弟哀王為楚人所殺而立其庶兄負芻為去聲秦王政遣將破楚虜負芻滅楚為郡世紀楚自燕姬姓召公奭之所封也奭音式三十餘世至文公嘗納蘇秦之說約六國為從從音宗文公卒易王噲立十年以國讓其相子之南面行王事而噲老不聽政顧為臣國大亂齊伐燕取之醢子之而殺噲易音亦噲音快○謚法好更改舊曰易顧反也言噲反為子之之臣也

態繹一至負芻凡四十一世

昭王
甲辭
賢以
者招

孟子曰子噲不得與人燕子之不得受燕於
子噲說者謂諸侯土地人民受之天子傳之
先君私以與人則與者受者皆有罪也

燕人立太子平為君是為昭王弔死問生卑辭
厚幣以招賢者問郭隗曰齊因孤之國亂而襲
破燕孤極知燕小不足以報誠得賢士與共國
以雪先王之耻孤之願也先生視可者得身事
之隗五罪反隗曰古之君有以千金使涓人求
千里馬者買死馬骨五百金而返君怒曰死馬

昭王
師事
樂毅
伐齊
入淄
臨

且買之况生者乎馬今至矣不暮年千里馬至
者三今王必欲致士先從隗始况賢於隗者豈
遠千里哉涓人典謁之官主於是昭王為隗改
築宮師事之為去聲於是士爭趨燕樂毅自魏往
以為亞卿任國政已而使毅伐齊兵入臨淄齊
王出走毅乘勝六月之間下齊七十餘城惟莒
即墨不下毅音義

愚按燕昭遭家不造破滅之餘為衆所立即
欲為君父報仇宜若衰微而不能濟也然燕

弔死問生親賢下士委任樂毅使人伐齊六月之間下齊七十餘城其治效猶若是之速而况強大之國聖明之君能用天下之賢才者乎詩曰無競維人四方其訓之豈不信哉昭王卒惠王立惠王為太子已不快於毅田單乃縱反間曰毅與新王有隙不敢歸以伐齊為名齊人惟恐他將來即墨殘矣惠王果疑毅乃使騎劫代將而召毅毅奔趙田單遂得破燕而復齊城間將騎智去聲復音伏惠王後有武成王孝王至

王喜喜太子丹質於秦秦王政不禮焉怒而亡

歸怨秦欲報之質音至秦將軍樊於期得罪亡之

燕丹受而舍之於音烏○亡逃也丹聞衛人荆

軻賢卑辭厚禮請之奉養無不至欲遣軻軻請

得樊將軍首及燕督亢地圖以獻秦養去聲亢

○督亢燕之膏腴地欲以誑秦故書圖以獻之丹不忍殺於期軻自以

意諷之曰願得將軍之首以獻秦王必喜而見

臣臣左手把其袖右手搃其脅則將軍之仇報

而燕之耻雪矣搃知鳩反刺也於期慨然遂自刎丹奔

荆為王所殺
秦朝

往伏哭乃以函盛其首盛音成○伏哭又嘗求

天下之利匕首以藥焯之以試人血如縷立死

焯楚碎反謂焯煉而納之於藥水今毒也縷絲也言血如絲縷之細即立死也乃裝遣

軻行至易水歌曰風蕭蕭兮易水寒壯士一去

兮不復還易音亦復于時白虹貫日燕人畏之

白虹者日旁氣暈也兵象也日君象也蓋國君被兵之兆故燕人畏之軻至咸陽

秦王政大喜見之軻奉圖進圖窮而匕首見把

王袖搵之未及身王驚起絕袖軻逐之環柱走

秦法群臣侍殿上者不得操尺寸兵左右以手

搏之且曰王負劍遂拔劍斷其左股軻引匕首

擿王不中遂體解以徇首見之見音現擿音剔

○王劭曰凡帶劍上長接之不出室今欲王推之於背令前短易拔故曰負劍體解以徇謂逐

節解脫其肢體以示衆也秦王大怒益發兵伐燕喜斬丹以

獻後三年秦兵虜喜遂滅燕為郡世紀燕自惠侯至王喜凡

三十
四世

司馬公曰燕丹不勝一朝之忿以犯虎狼之

秦輕慮淺謀挑怨速禍使召公之廟不祀罪

莫大焉夫為國家者任官以才立政以禮懷

民以仁交隣以信是以官得其人政得其節
百姓懷其德四隣親其義如是則國家安如
磐石熾如焱火觸之者碎犯之者焦雖有強
暴之國何足畏焉丹釋此不為顧以萬乘之
國決匹夫之勇逞盜賊之謀功隳身侈社稷
為墟可悲也夫而荆軻懷其豢養之私不顧
七族欲以尺八匕首強燕而弱秦不亦愚乎
秦之先本顓頊之裔曰大業者生栢翳舜賜姓
嬴氏其後有蜚廉蜚廉孫女防嬴音盈女音汝
○世紀蜚廉生

惡來惡來女防之後有非子好馬為周孝王主

馬於汧渭之間馬大蕃息分土為附庸邑之秦

好為分皆去聲汧音牽○汧渭二水名蕃盛息
生也凡裂土以封諸侯其受封者各有分故曰
分土附庸小國也孟子曰不能五十里不達於
天子附於諸侯曰附庸是也秦州名屬鞏昌

閔二世至秦仲始大二世秦侯歷莊公至襄公

犬戎弑幽王襄公救周有功封為諸侯賜以岐

西地岐西地蓋西周畿歷文公寧公出子武公

德公宣公成公至繆公繆音木孟有百里奚者

故虞大夫也晉人伐魏假道於虞其實欲并虞

有救襄
功周公

取之奚知虞公不可諫而先去之秦繆公聞其
賢以為相政事皆屬焉魏音國屬音竹○百里
奚其先本姬姓家于百

里因氏焉魏
虞並國名

孟子曰百里奚虞人也晉人以垂棘之璧屈
產之乘假道於虞以伐魏宮之奇諫百里奚
不諫知虞公之不可諫而不諫可謂不智乎
知虞公之將亡而先去之不可謂不智也時
舉於秦知繆公之可與有為也而相之可謂
不智乎相秦而顯其君於天下可傳於後世

于合晉
韓戰秦

不賢而能之乎

百里奚進其友蹇叔以為上大夫

蹇姓也九輦反

繆公

送晉惠公歸晉已而倍秦合戰于韓繆公為晉

軍所圍岐下有嘗食公馬者三百人馳冒晉軍

遂脫繆公以反先是繆公亡善馬野人共得之

吏逐得欲法之公曰食善馬不飲酒傷人皆賜

酒而赦之至是聞秦擊晉皆願從推鋒爭死以

報得

倍與背同為去聲推吐回反驪○韓縣名屬
同州按春秋傳晉獻公嬖於嬖嬖欲殺惠

公文公等二公奔秦獻公卒惠公許秦五城以
求入國及入而弗與故曰倍秦也亡失也善良

繆公不替孟明西戎霸

也法之謂加繆公又送晉文公歸晉立而霸諸

侯事見左傳僖公二十三年晉文公卒秦遣孟明襲鄭因破

滑晉襄公敗之滑音交孟明姓百里名視

繆公不替孟明句脩國政後伐晉得志遂

霸西戎陳氏殷曰替廢也言孟明雖有喪師之

桓公景公哀公惠公悼公厲安公躁公懷公靈

公簡公惠公出子獻公至孝公隰音竈河山以

東強國六小國十餘以夷狄遇秦擯不與諸侯

之會盟與頭同○河謂黃河山謂孝公下令賓

客群臣有能出奇計強秦者吾且尊官與之分

土令分皆去衛公孫鞅入秦因嬖臣景監以求

見說以帝道王道三變為霸道而後及強國之

術見音現說音稅○因托也帝道五帝之道公大

悅欲變法恐天下議已鞅曰民不可與慮始而

可與樂成卒定令樂音令民為什伍相收司連

坐不告姦者腰斬告姦者與斬敵同賞匿姦者

與降敵同罰有軍功者各以率受爵為私闖者

孝公下令強秦入衛欲變法

與降敵同罰有軍功者各以率受爵為私闖者

太子犯衛刑師
法鞅其傳

各以輕重被刑大小戮力本業耕織致粟帛多
者復其身事末利及怠而貧者舉以為收孥降音

抗率律同。慈淵王氏曰五家為伍十家為什。司管也言為什伍之法使之相收相管一家有

罪九家同舉否則連坐罪也爵官秩也德除也謂免其身役也事猶務也末利商賈也孥妻子

也言糾舉而收錄其妻子沒為官奴婢也令既具未布立三丈之木

於國都市南門募民有能徙北門者予十金民

怪之莫敢徙復曰能徙者予五十金有一人徙

之輒與五十金乃下令募召也予與同太子犯

法鞅曰法之不行自上犯之君嗣不可施刑刑

秦封君
公鞅商

其傳公子虔黥其師公孫賈罪其師傳者以其教訓不嚴故也

秦人皆趨令行之十年道不拾遺山無盜賊家

給人足民勇於公戰怯於私鬪鄉邑大治給亦足也

治去聲初言令不便者來言令便鞅曰此亂法之

民也盡遷之邊民莫敢議塞外令民父子兄弟

同室內息者為禁廢井田開阡陌更為賦稅法

秦人富強封鞅商於十五邑號曰商君更音庚於音烏

○田間路曰阡陌即經界也井田之制方里為井井九百畝界為九區中為公田八家各受一

區但借其力助耕公田而不復稅其私田至是廢之而更為貢法也

司馬公曰夫信者人君之大寶也國保於民
民保於信故古之王者不欺四海霸者不欺
四隣善為國者不欺其民善為家者不欺其
親不善者反之是以上下離心以至於敗所
利不能藥其所傷所獲不能補其所亡豈不
哀哉商君以刻薄之資處攻戰之世猶且不
敢忘信以畜其民况為四海治平之政者哉
孝公薨惠文王立公子虔之徒告鞅欲反鞅出
亡欲止客舍舍人曰商君之法舍人無驗者坐

鞅囚水赤
論渭盡

武使茂韓
王甘伐

之鞅歎曰為法自弊

之弊

一至此哉

上舍人店家人
也下舍人停藏

人也言停人止宿無文憑可驗
者罪坐客店主人也弊害也

去之魏魏不受

內之秦秦人車裂以徇

內音納送也裂分也言
以四肢及首繫於五馬

鞭之使走裂尸
為五以示衆也

鞅用法酷步過六尺者有罰棄

灰於道者被刑嘗臨渭論囚渭水盡赤

秦制六
尺為步

二百四十步為畝過之則畝寬而稅少故
有罰灰所以糞田棄之則為墾農故有刑惠文

王薨子武王立武王使甘茂伐韓茂曰宜陽大

縣其實郡也今倍數險行千里攻之難

宜陽縣
屬今河

南言宜陽為大縣
其實當一郡也魯人有與曾參同姓名者殺

又人告其母母織自若及三人告之母投杼下

機踰牆而走臣賢不及曾參王之信臣又不如

其母疑臣者非特三人臣恐大王之投杼也曾參

孔子弟子字子與自若言不驚動也投棄也杼投也魏文侯令樂羊伐中

山三年而後按之反而論功文侯示以謗書一

按漢再拜曰非臣之功君之力也籛音怯箱也今臣霸

旅之臣也樛里子公孫奭挾韓而議王必聽之

弗聽乃盟于息壤樛音樞○樛里子名疾素惠王弟也居渭南之陰鄉其里有樛樹因號焉王曰寡人

武與甘王茂盟

武王好戲

按二人果爭之武王召茂欲罷兵茂曰息壤在

彼王乃悉起兵佐茂遂拔之爭去聲○息壤在彼言有盟也佐助也

武王有力好戲力士任鄙烏獲孟說皆至大

官王與孟說舉鼎絕脈死好去聲任音壬說音悅○以其死非命故

弟昭襄王稷立有魏人范雎者嘗從須賈不稱

使齊齊王聞其辯口乃賜之金及牛酒雎七余反從使

告魏相魏齊魏齊怒笞擊雎折脅拉齒雎佯死

卷以簣置廁中使醉客更溺之以懲後拉落合反佯音

皆去聲須賈乃密須氏之後為魏大夫賈疑雎以國陰事告齊歸

相為穰
丞侯代

羊卷捲同更音庚濁承同○拉推也
伴詐也箕曲薄也更送也懲戒也
睢告守者
得出更姓名曰張祿庚更音秦使者王稽至魏潛
載與歸薦于昭襄王以為客卿教以遠交近攻
之策時穰侯魏冉用事睢說王罷之而代為丞
相號應侯說音稅○潛竊也外國人為卿故曰
客卿遠交指齊楚近攻指三晉也○
林之奇曰秦之所以卒并六國者以其用遠
交近攻之策也蓋三晉者天下之樞紐也秦
攻之而齊楚不救是以天下之樞紐委之於
秦矣天下之樞紐既委之於秦則齊楚燕欲

不亡得乎

魏使須賈聘秦睢弊衣間步往見之賈驚曰范
叔固無恙乎留坐飲食曰范叔一寒如此哉取
一綈袍贈之間去聲恙音漾綈音提○遂

為賈御至相府曰我為君先入通于相君賈見
其久不出問門下門下曰無范叔鄉者吾相張
君也賈知見欺乃膝行入謝罪為相鄉皆去聲睢坐責
讓之曰爾所以得不死者以綈袍戀戀尚有故
人之意耳乃大供具請諸侯賓客置莖豆其前

睢賈
有綈袍
意故袍

杜姬白
郵于起

而馬食之莖音劉食音似也且盛莖器或曰菽也使歸告魏
王曰速斬魏齊頭來不然且屠大梁賈歸告魏
齊魏齊出走而死屠滅也大梁魏都也睢既得志于秦一
飯之德必償睢眦之怨必報睢牛懈反眦助王
既用睢策歲加兵三晉斬首數萬周赧王恐與
諸侯約從攻秦秦攻周赧王入秦頓首請罪盡
獻其邑三十六從音宗秦將武安君白起與范雎
有隙廢為士伍賜劍死於杜郵郵音潮○境上行王臨朝歎曰內
無良將外多強敵睢懼蔡澤曰四時之序成功

蔡澤
代睢

者去睢稱病澤代之郵音充朝音潮○境上行
十昭襄王薨子孝文王柱立薨子莊襄王楚立
薨嗣為王者政也遂并六國是為秦始皇帝紀世
秦自非子受命至莊襄王凡三十六世

黃帝以來列百里之國萬區蓋自中國以達
於四裔四裔謂四夷如衣之末裾也中國之制可攷於王
制者九州千七百七十三國王制禮記篇名九州之內一州
屬王所容九十三國外八州容一千六百八十國併之凡千七百七十三國古之
建侯各君其國各子其民而宗主於天子建

也王制比年一小聘三年一大聘五年一朝之類是也 歷夏殷至周強

并弱大吞小春秋十二國外存者無幾戰國

存者六七至是遂并於秦無幾言不多也

雙湖胡氏曰七國莫強於秦亦莫強於六國

秦用遠交近攻之策卒以蚕食天下六國為

謀不固齊獨坐視五國之亡自謂得計同歸

于盡吁秦非強也詐有餘也六國非弱也智

不足也使智足以燭秦之詐信足以結六國

之交義足以尊周而為之主雖族秦求吾所

大欲可也奈何其不然以待覆亡之不暇可

勝歎哉

古今歷代標題註釋十九史略通考卷一之下



